

יֹא וְעַל | מִזְבַּח הַזֹּהֵב יִפְרְשׂוּ בְּגָד
תִּכְלֹת וְכִסּוּ אֹתוֹ בְּמַכְסֵה עוֹר תַּחֲשׁ
וְשָׂמוּ אֶת־בְּדִיו: יב וְלִקְחוּ
אֶת־כָּל־כְּלֵי הַשָּׁרֵת אֲשֶׁר יִשְׁרְתוּ־בָם
בְּקֹדֶשׁ וְנָתְנוּ אֶל־בְּגַד תִּכְלֹת וְכִסּוּ
אוֹתָם בְּמַכְסֵה עוֹר תַּחֲשׁ וְנָתְנוּ
עַל־הַמּוֹט: יג וְדִשְׁנוּ אֶת־הַמִּזְבֵּחַ
וּפְרִשׂוּ עָלָיו בְּגָד אֲרָגְמָן: יד וְנָתְנוּ
עָלָיו אֶת־כָּל־כְּלָיו אֲשֶׁר יִשְׁרְתוּ עָלָיו
בָּהֶם אֶת־הַמַּחֲתֹת אֶת־הַמְּזֻלְגֹת
וְאֶת־הַיַּעֲעִים וְאֶת־הַמְּזֻרְקֹת כֹּל כְּלֵי
הַמִּזְבֵּחַ וּפְרִשׂוּ עָלָיו כְּסוּי עוֹר תַּחֲשׁ
וְשָׂמוּ בְּדִיו: טו וְכִלְהָ אֶהְרֹן וּבָנָיו
לְכַסֹּת אֶת־הַקֹּדֶשׁ וְאֶת־כָּל־כְּלָיו
הַקֹּדֶשׁ בְּנִסְעַ הַמַּחֲנֶה וְאַחֲרֵי־כֵן יָבֹאוּ
בְּנֵי־קֹהֵת לְשֹׂאת וְלֹא־יִגְעוּ
אֶל־הַקֹּדֶשׁ וּמֵתוּ אֵלֶּה מִשָּׂא
בְּנֵי־קֹהֵת בְּאֵהֶל מוֹעֵד: טז וּפְקֻדֹת
אֲלַעֲזָר | בֶּן־אֶהֱרֹן הַכֹּהֵן שֹׁמֵן
הַמְּאֹר וְקִטְרֹת הַסַּמִּים וּמִנְחַת
הַתָּמִיד וְשֹׁמֵן הַמִּשְׁחָה פְּקֻדֹת
כָּל־הַמִּשְׁכָּן וְכָל־אֲשֶׁר־בּוֹ בְּקֹדֶשׁ
וּבְכָלֵיו: פ [מִפְטִיר] יז וַיְדַבֵּר יְהוָה
אֶל־מֹשֶׁה וְאֶל־אֶהֱרֹן לֵאמֹר:
יח אֶל־תִּכְרְיֵתוּ אֶת־שֵׁבֶט מִשְׁפַּחַת
הַקֹּהֲתִי מִתּוֹךְ הַלְוִיִּם: יט וְזֹאת | עֲשׂוּ
לָהֶם וְחִיו וְלֹא יָמָתוּ בְּגִשְׁתָּם
אֶת־קֹדֶשׁ הַקֹּדְשִׁים אֶהֱרֹן וּבָנָיו יָבֹאוּ
וְשָׂמוּ אוֹתָם אִישׁ אִישׁ עַל־עִבְדוֹתוֹ
וְאֶל־מִשְׁאוֹ: כ וְלֹא־יָבֹאוּ לְרֹאוֹת
כִּבְלַע אֶת־הַקֹּדֶשׁ וּמֵתוּ:

ועל מזבח הזהב יפרשו בגד
תכלת וכסו אתו במכסה עור
תחש ושמו את בדיו ולקחו את
כל כלי השרת אשר ישרתו בם
בקדש ונתנו אל בגד תכלת וכסו
אותם במכסה עור תחש ונתנו
על המוט ודשנו את המזבח
ופרשו עליו בגד ארגמן ונתנו
עליו את כל כליו אשר ישרתו
עליו בהם את המחטת את
המזלגת ואת היעעים ואת
המזרקת כל כלי המזבח ופרשו
עליו כסוי עור תחש ושמו בדיו
וכלה אהרן ובניו לכסת את
הקדש ואת כל כלי הקדש בנסע
המחנה ואחרי כן יבאו בני קהת
לשאת ולא יגעו אל הקדש ומתו
אלה משא בני קהת באהל
מועד ופקדת אלעזר בן אהרן
הכהן שומן המאור וקטרת הסמים
ומנחת התמיד ושומן המשחה
פקדת כל המשכן וכל אשר בו
בקדש ובכליו וידבר יהוה אל
משה ואל אהרן לאמר אל
תכריתו את שבט משפחת
הקהתי מתוך הלויים וזאת עשו
להם וחיו ולא ימתו בגשתם
קדש הקדשים אהרן ובניו יבאו
ושמו אותם איש איש על עבדתו
ואל משאו ולא יבאו לראות
כבלע את הקדש ומתו